



KENYATAAN AKHBAR MENTERI KESIHATAN MALAYSIA

SITUASI TERKINI KEJADIAN PELAJAR SEKOLAH SESAK NAFAS DI PASIR GUDANG, JOHOR BAHRU, JOHOR

Lanjutan daripada kejadian pelajar sekolah mengalami gejala sesak nafas di Pasir Gudang, Johor, pada 20 Jun 2019, dua (2) kes baru dengan gejala sesak nafas telah dirujuk oleh pihak Klinik Kesihatan Pasir Gudang pada tengah hari semalam (21 Jun 2019) ke Hospital Sultan Ismail (HSI), Johor Bahru dan dimasukkan ke wad.

Kedua-dua mereka merupakan pelajar lelaki dari Sekolah Agama Taman Mawar, Pasir Gudang, menjadikan jumlah mangsa dari sekolah tersebut seramai 18 orang. Kedua-dua pelajar lelaki itu kini sedang dirawat di Wad Kanak-Kanak di HSI dan berada dalam keadaan stabil. Enam (6) kes terdahulu yang dimasukkan ke Wad Kanak-Kanak HSI telah pun discaj semalam.

Dengan pertambahan dua (2) kes baru itu, jumlah keseluruhan mangsa yang telah mendapatkan rawatan adalah seramai 31 orang iaitu 21 perempuan dan 10 lelaki.

Sampel-sampel klinikal dihantar ke Jabatan Kimia di Petaling Jaya untuk ujian makmal toksikologi. Jabatan Kesihatan Negeri Johor terus melakukan pemantauan di lapangan.

Orang ramai dinasihatkan agar mendapatkan rawatan segera di fasiliti kesihatan terdekat sekiranya mengalami gejala sesak nafas, loya, muntah, pening, sakit kepala, kekejangan otot dan lemah badan. Sebarang perkembangan akan dimaklumkan dari masa ke semasa.

Sekian, terima kasih.

YB DATUK SERI DR. DZULKEFLY AHMAD

Menteri Kesihatan Malaysia

22 Jun 2019